

Sprach s̄int ich van alaschanz  
 Schier ich in horte noch in sach  
 Wen cherubyn der engil sprach  
 Ich solt dich noch ob mir sehen  
 Herre vñ oheym ich wil iehen  
 Vor wart di ich kheren mus  
 Ich han mit sunden manigē gruz  
 Vn̄ hohe wurde mitfangen  
 Dar ist allus irgangen  
 Dar di küniginen urn pris  
 An mir irceigte vñ ich so wiſ  
 Ich ni wart keyn v̄beyden  
 Dar ich kūde v̄r gescheiden  
 Dinst der da keyn töchte  
 Ich m̄kunde auch noch i möchte  
 Ob min tuſent werer  
 M̄ in wille in den geberen  
 Was daz ich truwe keyn v̄hielt  
 Di ni keyn wanc van mir gespielt  
 Du ich zu t̄mes wart eyn man  
 Mit v̄ver helle vñ ich gewan  
 Childes ampt vñ di gesellen min  
 Waz chost ich du di künigin  
 Is were dem keyserē gar zu gnuuk  
 S̄ war her crone noch getruk  
 Der küniginnen kyburg  
 Ir helle was an mir so kurg  
 Dar mā si irkenne mochte  
 Di baz irre wurde tochte  
 Danne minem armen prise  
 Ich weizwl ist got wiſe  
 Her lont is ir mit gute  
 Arther sin alt gemute  
**B**heȳm nu getruwich dir  
 durch lyp̄di du hast zumir  
 Du hast si dorich mich destebaz  
 Nu wirt des willē nūmer laz  
 Denke waz ich zu t̄mes sprach  
 Dar iz beyde hore vñ sach  
 M̄ anig hundirt ruf wider dit

So mir min hohemū gerit  
 Ich in vlohe nūmer sarracīn  
 Han ich mit sunden helle dim  
 Gedint daz si der sele leyit  
 Vn̄ ob ich cegeliche streit  
 Waz mochte der marctgūne tun  
 Du der ünge s̄iner swest̄ sun  
 Sa deiner schulde dia gewüc  
 Hern hette auch trures dia genuc  
 Vn̄ des in s̄iner bichtre iach  
 Da keyn her senentliche sprach  
 O we mir dinē darem gebürt  
 Waz woldich s̄ver v̄me dich gegört  
 Du soldes nach kume eyn sprincelin  
 T ragen dinē iugede schin  
 Was der franzoyser spigel glas  
 S̄ war dinē lichten antliczes was  
 Dar an gewuhs noch ni keyn gran  
 War umme hiez ich dich eyn man  
 Man solte dich noch v̄inden  
 Da heyme mit andēn kunden  
 Billich dan du heitlis getragen  
 S̄ chilt dar vndir du bist irslagen  
 Ich sol vor gode gelden dich  
 Dich in sluc hir niman mer da ich  
 D in tot sol mir v̄m̄ triumphet  
 Vn̄ gen also vrücklik leit  
 Dar zu allen euren ramē birt  
 Dar mines lebendis ende wirt  
 Di schult di ist van redne min  
 Durch waz v̄rt ich eyn kideli  
 K egen starken wiganden  
 Vor alle der heydenē landen  
**D**u sus des marctgūne mak  
 In sime schoze uncreftik lak  
 Her sprach im zu mit herce dage Hastu daz  
 In vrankrich gewihet wirt alle sūtage  
 Keyn prister daz vir birt  
 Hern segne mi gotis craft eyn brot  
 Dar gut ist wid der sele tot